

Javna ustanova „Druga osnovna škola“ Konjic, Musala br. 1, 88400 Konjic, e-mail: drugaosnovnaskola@bih.net.ba, ID br. 4227321960005, koju zastupa direktorica Munevera Tinjak.
(u daljem tekstu: Ugovorni organ)

i
Interface d.o.o. Konjic, Trg državnosti 30., 4227688160005, kojeg zastupa direktor Anel Litrčić (u daljem tekstu: Dobavljač).

Ugovorne strane, sklopili su sljedeći

Ugovor
Nabavka i ugradnja videonadzora u PŠ Bradina

PREDMET UGOVORA

Član 1.

Predmet ovog Ugovora su nabavka roba - Nabavka i ugradnja videonadzora u Javnoj ustanovi „Druga osnovna škola“ Konjic, PŠ Bradina, prema vrsti, količini i kvalitetu u skladu sa odredbama ovog Ugovora i ponudom dobavljača broj: 25-10-027/25 od 14.2.2025. godine protokolirana pod brojem 486/25 od 17.2.2025. godine čine sastavni dio ovog ugovora u obliku njegovih priloga, a koja je dostavljena po Zahtjevu za dostavu ponuda za nabavku roba – Nabavka i ugradnja videonadzora broj 483/25 od 14.2.2025. godine, primjenom direktnog postupka nabavke.

CIJENA

Član 2.

Ukupna cijena koju će Ugovorni organ isplatiti Dobavljaču za robe iz člana 1. Ugovora iznosi:

Ukupna Cijena bez PDV-a: 1.560,00 KM;

(slovima: jednahiljadapetstotinašezdesetkonvertibilnihmaraka).

Porez na dodanu vrijednost (PDV 17%)= 265,20 KM;

(slovima: dvijestotinešezdesetpet i 20/100 KM)

Ukupna vrijednost sa PDV-om= 1.825,20 KM

(slovima: jednahiljadaosamstotinadvadesetpet i 20/100KM).

Cijene se nalaze u ponudi Dobavljača broj 25-10-027/25 od 14.2.2025. godine koja čini sastavni dio ugovora.

Dobavljač se obavezuje fakturirati robe prema ponuđenim cijenama iz navedene ponude.

USLOVI I NAČIN PLAĆANJA

Član 3.

Plaćanje će se izvršiti u roku od 15 (petnaest) dana od dana zaprimanja računa odnosno fakture. Plaćanje se obavlja na žiro račun Dobavljača. Ugovorni organ ne prihvata avansno plaćanje i traženje sredstava osiguranja plaćanja.

Dobavljač je dužan izdati fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biće vraćena na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Ugovorni organ ni onda kada je fakturu primio, a nije joj prigovorio.

Plaćanje će se vršiti po dospijeću na transakcijski račun Dobavljača broj: 1610200061960012 otvoren kod Raiffeisen banka.

ROK ISPORUKE

Član 4.

Rok isporuke specificiranih količina robe iz člana 1. ovog Ugovora je 15 dana od dana obostrano potpisanog ugovora.

Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Ugovorni organ mogao primiti isporuku odnosno da bi mogao preuzeti robu.

Mjesto izvršenja obaveza Dobavljača je Javna ustanova „Druga osnovna škola“ Konjic, PŠ Bradina. Ugovorni organ se obavezuje isplatiti cijenu i preuzeti isporuku ugovorene robe onako kako je predviđeno ovim Ugovorom.

Roba koja je predmet ovog Ugovora i koju će Dobavljač isporučiti Ugovornom organu prema ovom Ugovoru biti će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način. Dobavljač će zapakovati robu tako da može izdržati transport, manipulaciju i eventualno skladištenje u razumnom vremenskom roku. Ambalaža/pakovanje mora imati takva svojstva koja posebno obezbjeđuju zaštitu od vlage.

ODGOVORNOST ZA MATERIJALNE I PRAVNE NEDOSTATKE

Član 5.

Dobavljač odgovara za materijalne nedostatke robe, koje je ona imala u času prelaska rizika na Ugovorni organ, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaska rizika na Ugovorni organ ako su posljedica uzroka koji je postojao prije toga. Neznatan materijalni nedostatak ne uzima se u obzir.

U obavijesti o nedostatku robe Ugovorni organ je dužan opisati nedostatak i pozvati Dobavljača da pregleda robu. Ako obavijest o nedostatku koju je Ugovorni organ blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne Dobavljaču smatra se da je Ugovorni organ izvršio svoju obavezu da obavijesti Dobavljača. Nedostatak postoji ako ugovorena/isporučena roba nema svojstva i odlike koje su izričito određene ovim Ugovorom. Dobavljač odgovara i za nedostatke koje je Ugovorni organ mogao lako opaziti ako je izjavio da roba nema nikakve nedostatke ili da roba ima određena svojstva.

Dobavljač odgovara ako na isporučenoj robi postoji neko pravo trećeg koje isključuje, umanjuje ili ograničava pravo Ugovornog organa, a o čijem postojanju Ugovorni organ nije bio obaviješten, niti je pristao da primi/uzme robu opterećenu tim pravom. Ukoliko se pokaže da treća osoba polaže neko pravo na ugovorenu robu, Ugovorni organ je dužan obavijestiti Dobavljača o tome (obaviještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato i pozvati ga da u razumnom roku oslobodi robu od prava ili pretenzije trećeg ili da mu isporuči drugu robu bez pravnog nedostatka. Ako Dobavljač ne postupi po zahtjevu Ugovornog organa ugovor se raskida.

STUPANJE UGOVORA NA SNAGU I TRAJANJA UGOVORA

Član 6.

Ovaj Ugovor stupa na snagu obostranim potpisivanjem od strane ovlaštenih lica ugovornih strana i zaključuje se na period od 90 (devedeset) dana od obostranog potpisivanja odnosno dok se ne realizuju ugovorne obaveze po zaključenom ugovoru.

RASKID UGOVORA I POSLJEDICE RASKIDA

Član 7.

Svaka strana može raskinuti ugovor zbog razloga navedenih u ovom članu kada nastupaju određene pravne posljedice.

Ukoliko Ugovorni organ bude smatrao da je zbog nepoštivanja ugovornih obaveza od strane Dobavljača ili zbog nastupanja okolnosti koje otežavaju ili sprečavaju da se nastavi izvršenje ugovora, ili to isto bude smatrao Dobavljač u odnosu na obaveze Ugovorni organ, ugovorna strana pogođena tim nepoštivanjem ili okolnostima koje su nastupile, dužna je drugoj strani poslati pismeno obavještenje (preporučena pošta ili telefaks) u kome se navode razlozi koji upućuju na raskid ugovora. Strana koja je primila prednje obavještenje, dužna je da u razumnom roku, pismenim putem iznese svoje stavove i prijedloge. Ako se iz stavova strane ne može očekivati da se posljedice nepoštivanja, zakašnjenja i druge teškoće u vezi sa izvršenjem ovog ugovora otklone ili ako se sa izvršenjem ugovora ne može nastaviti ni po proteku 10 dana, onda obje strane imaju pravo da raskinu ugovor.

U slučaju raskida ugovora u smislu prethodnih stavova ovog člana strane će izmiriti sve svoje obaveze nastale do raskida ugovora.

Ukoliko je do raskida ugovora došlo krivicom jedne ugovorne strane, druga strana ima pravo na naknadu štete i izmakle dobiti po opštim pravilima obligacionog prava.

Bitna povreda ugovora koja dovodi automatski do raskida ugovora: Povreda ugovora koju učini jedna strana smatrat će se bitnom ako se njom uzrokuje takva šteta drugoj strani da je bitno lišava onog što je opravdano očekivala od ugovora.

PRIMJENA ZAKONA O OBLIGACIONIM ODNOSIMA

Član 8.

Ugovorne strane su saglasne s primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

RJEŠAVANJE SPOROVA

Član 9.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Konjicu uz primjenu pozitivnog prava Bosne i Hercegovine.

OSTALE ODREDBE

Član 10.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica, najmanje šest mjeseci po zaključenju ugovora, odnosno od početka realizacije ugovora.

Član 11.

Izmjene i dopune ovog Ugovora mogu se vršiti samo pismenim putem. Biće punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.


Član 12.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Dobavljač
Interface d.o.o.

Litric Anel I C



Ugovorni organ
Direktorica

Tinjak Munevera

Broj: 17/25
Datum: 20.2.25

Broj: 499/25
Datum: 20.2.2025. godine